

QURILISH PUDRAT SHARTNOMALARI BO‘YICHA DAROMADLAR

8. Pudratdan olinadigan daromad quyidagilarni o‘z ichiga oladi:

— qurilish ishlarining dastlabki shartnomaviy qiymatini;

— shartnomani o‘zgartirishdan olinadigan daromadlar, e’tirozlar bo‘yicha daromadlar va rag‘batlantirish to‘lovlarini.

9. Qurilish pudrat shartnomasidan olinadigan daromad hisoblab chiqarish paytida joriy qiymat bo‘yicha belgilanadi. Kelgusidagi ishlarning natijalariga bog‘liq bo‘lgan ko‘zda tutilmagan har xil ishlar pudrat shartnomasidan olinadigan daromadning o‘zgarishiga ta’sir o‘tkazadi.

10. Qurilish pudrat shartnomasining o‘zgarishi amaldagi qonun hujjatlariga muvofiq bo‘lgan o‘zgarishdir.

11. O‘zaro e’tirozlar (da’volar) bo‘yicha daromadlar pudratchi pudrat shartnomasini buzgan buyurtmachidan olmoqchi bo‘lgan mablag‘lardir.

12. Rag‘batlantirish to‘lovlari pudrat shartnomasida belgilangan ishlarni bajarganda yoki oshirib bajarganda pudratchiga to‘lanadigan qo‘shimcha summalaridir. Rag‘batlantirish to‘lovlari hisoblash usuli bilan daromadga kiritiladi.